

ՀԱՐՄԱՐ-ՆՈՐ ԱՎԱՆԴԻ ՊԱՅՄԱՆԱԳԻՐ №

թ. «.....» 20 թ.

<<ՀԱՅԷԿՈՆՈՍՏՐԱՆԿ>> ԲԲԸ-ն, հետագայում՝ **Բանկ**, մի կողմից և (ՖԱ անվանում) հետագայում՝ **Ավանդատու**, մյուս կողմից, կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով Ավանդատուն Բանկում ներդնում է Ավանդ՝

..... գումարի չափով:

(գումարը թվերով, տառերով, արժույթի տեսակը)

1.2. Ավանդը ներդրվում է օրով՝ «.....» 20.....թ.-ին Ավանդատուին վերադարձնելու պայմանով:

1.3. Ավանդի դիմաց Բանկը վճարում է տոկոսներ սույն պայմանագրի 2-րդ մասով սահմանված չափով, կարգով և ժամկետներում:

1.4. Ավանդի մուտքը, վերադարձը և տոկոսների վճարումը կատարվում է Ավանդատուի կողմից անձը հաստատող փաստաթուղթը ներկայացնելու դեպքում: Բանկում գումարի մուտքը հավաստվում է Բանկի մուտքի փաստաթղթով, իսկ ելքը՝ գումարի ելքագրման մասին Ավանդատուի կողմից ստորագրված փաստաթղթով /ելքի օրդեր կամ այլ փաստաթուղթ/: Ավանդատուի ցանկությամբ նրան տրվում է բանկային գրքույկ, որում Բանկի կողմից նշվում է գրքույկը ներկայացնելու պահին ավանդի մնացորդը:

1.5. Ավանդատուն սույն պայմանագրի ստորագրումով հաստատում է, որ մինչև սույն պայմանագրի կնքելը Բանկը Ավանդատուին տրամադրել է ավանդի տեղեկատվական ամփոփագիր /այսուհետ՝ տեղեկատվական ամփոփագիր/:

1.6. Ավանդատուն համաձայն է, որ Բանկը «Բանկային ավանդների ներգրավման մասին» ՀՀ օրենքով սահմանված Ավանդատուին պարտադիր ներկայացման տեղեկատվությունը /այսուհետ՝ պարտադիր տեղեկատվություն/ տրամադրի իրեն հետևյալ լեզվով և եղանակով՝

Բանկի տարածքում՝ ☐	 (հասցեն)	Փոստով՝ ☐	 (հասցեն)
Էլեկտրոնային փոստով ☐	 (հասցեն)	Այլ՝ ☐	 (նշել կապի միջոցը)

(Ավանդատուի ստորագրությունը)

Ծանոթություն՝ Ավանդատուն պետք է ընտրի հաղորդակցման նախընտրած լեզուն և եղանակներից որևէ մեկը՝ ☒ նշանով, լրացնի հասցեն, չընտրած մյուս բոլոր լեզուները և եղանակները նշի ☒ տառով և ստորագրի, ինչը նշանակում է, որ Ավանդատուն հրաժարվել է մյուս եղանակներով հաղորդակցվելու իրավունքից:

1.7. Սույն պայմանագրի 1.6 կետում Ավանդատուի նշած հաղորդակցման եղանակը կարող է Ավանդատուի կողմից փոփոխվել Բանկին գրավոր դիմում ներկայացնելով:

2. ԱՎԱՆԴԻ ՏՈԿՈՍԱԳՈՒՄԱՐՆԵՐԻ ՀԱՇՎԱՐԿՆԵՐԻ ՉԱՓԸ ԵՎ ՎՃԱՐՄԱՆ ԿԱՐԳԸ

2.1. Ավանդի մնացորդի վրա հաշվարկվում են տոկոսներ տարեկան՝ տոկոսի չափով, փաստացի օրերի դիմաց տարին ընդունելով 365 օր, նահանջ տարին՝ 366 օր:

2.2. Ավանդի տարեկան տոկոսային եկամտաբերությունը կազմում է տարեկան՝ տոկոս,

2.3. Ավանդի տոկոսները հաշվարկվում են Ավանդը Բանկ մուտք լինելու հաջորդ օրվանից մինչև այն Ավանդատուին վերադարձնելու նախորդ օրը:

2.4. Ավանդի դիմաց հաշվարկված տոկոսները վճարվում են ՀՀ դրամով* :

(ամսական, ժամկետի վերջում)

2.5. Ավանդը կամ դրա մի մասը մինչև սույն պայմանագրի 1.2 կետով նշված ժամկետի լրանալը պահանջելու դեպքում՝ սույն պայմանագրի 2.1 կետով սահմանված տոկոսների փոխարեն ավանդի կամ այդ մասի դիմաց հաշվարկվում և վճարվում են* տոկոսագումարներ Բանկում ցայահանջ ավանդի համար տվյալ պահին սահմանված տոկոսների չափով, իսկ եթե արդեն վճարվել են 2.1 կետով սահմանված տոկոսները, ապա ցայահանջ ավանդի տոկոսի չափից ավելի հաշվարկված և Ավանդատուին վճարված տոկոսագումարի չափով ավանդը համարվում է վերադարձված: Ցայահանջ ավանդի համար Բանկը հաշվարկում և վճարում է տոկոսներ տարեկան 0 տոկոսի չափով, եթե տոկոսի այլ չափ չի սահմանվում Բանկի Սակագներով:

2.5.1. Եթե ավանդը կամ դրա մի մասը պահանջվել են սույն պայմանագրի երկարաձգված ժամկետում, ապա նախորդ ժամկետի(ների) համար վճարվում են 2.1 կետով սահմանված տոկոսները, իսկ տվյալ ժամկետի համար ավանդի կամ այդ մասի դիմաց հաշվարկվում և վճարվում են տոկոսագումարներ 2.5 կետի համաձայն:

* արտարժույթով ներդրված Ավանդի դիմաց հաշվարկված տոկոսները ՀՀ դրամի են փոխարկվում վճարման օրը ՀՀ Կենտրոնական բանկի կողմից հրապարակված՝ արժույթային շուկայում ձևավորված համապատասխան արժույթի միջին փոխարժեքով:

2.6. Ավանդի տոկոսները 2.4 կետով սահմանված ժամկետում չստանալու դեպքում դրանց վրա տոկոսներ չեն հավելագրվում:

2.7. Սույն պայմանագրի 1.2 կետում նշված ժամկետը լրանալուց հետո ավանդը չպահանջելու դեպքում, սույն պայմանագիրը համարվում է երկարաձգված.

2.7.1. ☐ նույն ժամկետով (այդ թվում՝ շարունակաբար յուրաքանչյուր երկարաձգված ժամկետի ավարտից հետո՝ առավելագույնը երեք անգամ)՝ երկարաձգման պահին տվյալ ավանդատեսակի համար Բանկում գործող պայմաններով:

2.7.2. ☐ ցայահանջ ավանդների համար Բանկում գործող պայմաններով:

..... (Ավանդատուի ստորագրությունը)

Ծանոթություն՝ Ավանդատուն պետք է ընտրի տարբերակներից որևէ մեկը՝ ☒ նշանով, իսկ չընտրված տարբերակը նշի ☒ տառով:

2.8. Սույն պայմանագրի 2.5 կետով սահմանված ցայահանջ ավանդի տոկոսի չափը նվազեցնելու դեպքում Բանկը կիրառում է այն Ավանդատուին այդ մասին տեղեկացնելուց տասնհինգ օր հետո:

2.9. Սույն պայմանագրի 1.2 կետում նշված ժամկետի լրանալուն նախորդող մինչև 90-րդ օրը Ավանդատուն կարող է սույն պայմանագրով ներդրված Ավանդին ավելացնել լրացուցիչ դրամական գումար Պայմանագրի կնքման պահին ներդրվող Ավանդի գումարի կրկնապատիկից ոչ ավելի, իսկ Ավանդի ժամկետի երկարաձգման դեպքում՝ երկարաձգման ժամկետի լրանալուն նախորդող մինչև 90-րդ օրը կարող է կատարվել ավելացում՝ երկարաձգման պահին Ավանդի մնացորդի կրկնապատիկից ոչ ավելի, որի դիմաց հաշվարկվում են սույն պայմանագրի 2.1 կետով սահմանված տոկոսները: Հիշյալ ժամկետից հետո սույն ավանդին գումարներ չեն ավելացվում:

2.10. Սույն պայմանագրի 2.1 կետով սահմանված տոկոսները փոփոխման ենթակա չեն սույն պայմանագրի 1.2 կետում նշված ավանդի վերադարձման ժամկետում: Եթե Ավանդատուն ընտրում է սույն պայմանագրի 2.7.2 կետում նշված տարբերակը, ապա Ավանդատուի

կողմից ավանդի ժամկետը երկարաձգելու ցանկության դեպքում կնքվում է լրացուցիչ համաձայնագիր, որում երկարաձգված ժամկետի համար ավանդի մնացորդի տոկոսադրույքը սահմանվում է կնքման պահին Բանկում համապատասխան ժամկետի համար սահմանված Ավանդի տոկոսադրույքը:

2.11. Ավանդի դիմաց Ավանդատուին վճարվող տոկոսները հարկվում են ՀՀ օրենսդրությամբ սահմանված չափով:

3. ԿՈՂՍԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

3.1. Բանկը պարտավորվում է՝

- 3.1.1. Ընդունել ավանդը և վերադարձնել այն, վճարել տոկոսներ սույն պայմանագրով սահմանված կարգով, չափով և ժամկետներում:
- 3.1.2. Պահպանել ավանդի գաղտնիությունը՝ օրենքով սահմանված կարգով:
- 3.1.3. Ավանդատուի հետ հաղորդակցվել, այդ թվում՝ «Բանկային ավանդների ներգրավման մասին» ՀՀ օրենքով սահմանված Ավանդատուին պարտադիր ներկայացման տեղեկատվությունը տրամադրել Ավանդատուին նրա ցանկությամբ՝ սույն պայմանագրի 1.6 կետով սահմանված եղանակով:
- 3.1.4. Առնվազն երեսուրյա պարբերականությամբ սույն պայմանագրի 1.6 կետով սահմանված եղանակով Ավանդատուին տրամադրել Ավանդատուի հաշվի քաղ-վածքը, բացառությամբ եթե այդ ժամանակահատվածում տվյալ հաշվով չի կատարվել դեբետագրում կամ կրեդիտա-գրում:
- 3.1.5. Բացառությամբ 3.1.4 կետով սահմանված հաճախ-կանության, Ավանդատուի կողմից պահանջ ներկայաց-նելու դեպքում 5-օրյա ժամկետում տրամադրել հաշվի քաղ-վածք Բանկի հայտարարած Սակագներով:

3.2. Բանկը իրավունք ունի՝

- 3.2.1. Ավանդի ընդունման և սպասարկման համար գանձել Ավանդատուից վճարներ Բանկի հայտարարած Սակա-գներով և տեղեկատվական ամփոփագրով սահմանված չափով:
- 3.2.2. Ավանդի մուտքը, վերադարձը և տոկոսների վճա-րումը կատարել միայն Ավանդատուի կողմից անձը հաստատող փաստաթուղթը ներկայացնելու դեպքում:
- 3.2.3. Այլ անձանց լիազորությունները չընդունել, եթե դրանք ձևակերպված չեն սույն պայմանագրի 3.3.3 կետին համա-պատասխան:

3.3 Ավանդատուն պարտավորվում է՝

- 3.3.1. Ավանդը և տոկոսները ստանալու համար ներկայաց-նել անձը հաստատող փաստաթուղթը:
- 3.3.2. Ավանդի ընդունման և սպասարկման համար վճարել Բանկին Բանկի հայտարարած Սակագներով և տեղեկա-տվական ամփոփագրով սահմանված չափով գումար:
- 3.3.3. Այլ անձանց լիազորությունները հավաստել նոտարա-կան կարգով տրված լիազորագրով կամ անձամբ Բանկում տրված գրավոր լիազորագրով, որը պետք է ձևակերպվի հստակ և հնարավոր լինի նույնացնել նման պահանջ ներկայացնող անձի հետ:

3.4. Ավանդատուն իրավունք ունի՝

- 3.4.1. Պահանջել Բանկից ավանդի վերադարձ և հաշվե-գրված տոկոսների վճարում սույն պայմանագրով սահման-ված կարգով, չափով և ժամկետ-ներում:
- 3.4.2. Ավանդին ավելացնել լրացուցիչ դրամական գումար-ներ սույն պայմանագրի 2.9 կետով սահմանված ժամկետ-ներում և պայմաններով:

4. ԿՈՂՍԵՐԻ ՊԱՏԱՄԽԱՆԱՏՎՈՒԹՅՈՒՆԸ

- 4.1. Բանկի կողմից Ավանդը վերադարձնելու կամ տոկոս-ները վճարելու պարտավորությունը չկատարելու կամ ուշացնելու դեպքում՝ յուրաքանչյուր ուշացած օրվա համար Բանկը վճարում է տույժ չվճարված /չվերադարձված/ գումարի 0.02 տոկոսի չափով:
- 4.2. Բանկը երաշխավորում է Ավանդի վերադարձը իր ակտիվներով:

5. ԱՅԼ ՊԱՅՄԱՆՆԵՐ

- 5.1. Ավանդի ընդունման և սպասարկման, դրանց համար վճարների չափն ու կատարման կարգը սահմանվում է Ավանդի տեղեկատվական ամփոփագրով և Բանկի Սակագներով: Սակագները հանդիսանում են սույն պայմանագրի անբաժանելի մասը, հրապարակվում են Բանկի ինտերնետային կայքէջում (www.aeb.am) և Բանկի գտնվելու վայրում: Ավանդատուի պահանջով Բանկը Սակագները տրամադրում է անվճար: Սակագներում Բանկը միակողմանի կարող է կատարել փոփոխություններ, որոնք ուժի մեջ են մտնում Բանկի կայքէջում և Բանկի /մասնաճյուղերի/ գտնվելու վայրում հրապարակվելուց 15 օր անց, եթե սույն պայմանագրի 1.6 կետում կամ իր դիմումում Ավանդատուն որպես տեղեկացման եղանակ նշել է Բանկի տարածքում, իսկ այլ եղանակ նշելու դեպքում՝ այդ եղանակով փոփոխությունների մասին Բանկի տեղեկացնելուց 15 օր անց: Ավանդատուն հաստատում է, որ ծանուցվել է Բանկում ներդրված ավանդների հատուցման երաշխավորման պայմանների և կարգի մասին:
- 5.2. Պայմանագիրը ուժի մեջ է մտնում ավանդը ներդնելու պահից:
- 5.3. Պայմանագիրը Բանկի կողմից պետք է լինի ստորա-գրված առնվազն երեք աշխատակցի կողմից և կնքվի Բանկի կլոր կնիքով:
- 5.4. Պայմանագրի օրինակը կորցնելու դեպքում Ավանդա-տուի դիմումով տրվում է պայմանագրի պատճեն:
- 5.5. Սույն պայմանագրի ցանկացած փոփոխություն կատարվում է Կողմերի փոխադարձ գրավոր համաձայնու-թյամբ:
- 5.6. Ավանդատուն իր իրավունքների պաշտպանությունը կարող է իրականացնել օրենքով սահմանված կարգով՝ ֆինանսական համակարգի հաշտարարին կամ դատարան դիմելու միջոցով:
- 5.7. Պայմանագիրը կնքվել է երկու օրինակից, որից մեկական օրինակ տրամա-դրվել է յուրաքանչյուր կողմին:

6. ԿՈՂՍԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ԲԱՆԿ	ԱՎԱՆԴԱՏՈՒ
<<ՀԱՅԷԿՈՆՈՄԲԱՆԿ>> ԲԲԸ	
հասցեն	ԱԱՀ
Ներկայացուցիչ	
Լիազորագիր	հասցե
.....	
ստորագրություն	անձը հաստատող փաստ. տվյալներ
.....	
ստորագրություն	
.....	
ստորագրություն	ստորագրություն